



Norzila pada sidang media penganjuran **PERMANIS** yang akan berlangsung pada 26 hingga 27 April ini di Shah Alam.

[FOTO ROSELA ISMAIL/BH]

# PERWANIS bincang masalah wanita, sosial

✦ Bangi

**Ancaman** siber seperti *Love Scam*, pornografi dan penipuan di internet antara isu yang akan dibentangkan sempena Persidangan Wanita Islam Antarabangsa (PERWANIS) yang akan berlangsung pada 26 hingga 27 April ini di Shah Alam, dekat sini.

Persidangan anjuran Wanita Ikatan Muslimin Malaysia (ISMA) itu turut membincangkan isu semasa berkaitan kewanitaan dan permasalahan sosial dalam kalangan wanita Islam antarabangsa, menampilkan penceramah dari dalam dan luar negara yang pakar dalam bidang masing-masing.

Antara penceramah yang terabit adalah Ketua Pegawai Eksekutif, CyberSecurity, Dr Ami-

rudin Abdul Wahab; Timbalan Mufti Perak, Zamri Hashim dan Pensyarah Fakulti Perubatan dan Sains Kesihatan, Universiti Sains Islam Malaysia, Prof Madya Dr Rafidah Hanim Mokhtar.

Sementara itu, penceramah dari luar negara pula ialah Setiausaha Majlis Penasihat Muslimat Hidayatullah Jakarta, Irawati Istadi; penceramah dari Singapura, Suriati Abdullah dan pensyarah Universiti Islam Shariff Ali Brunei, Dr Lily Suzana Shamsu.

## Awasi tingkah laku generasi muda

Naib Ketua Wanita ISMA, Dr Norzila Baharin, berkata remaja dan anak hari ini terdedah dengan pelbagai ancaman yang merosakkan jati diri dan keperiba-

dian mereka.

"Budaya Barat diperkenalkan silih berganti, bermula dengan K-Pop sekarang Ravers, itu belum lagi kes buli yang berlaku dalam kalangan pelajar sekolah kebelakangan ini.

"Permasalahan seperti ini harus dikendalikan oleh ibu secara bijak berlandaskan tuntutan syariah," katanya.

Beliau berkata demikian pada sidang media di sini, baru-baru ini.

Menurutnya, penganjuran PERWANIS bertujuan mengumpul ahli akademik, wakil badan bukan kerajaan (NGO) dalam dan luar negara untuk mengupas, berkongsi pengalaman serta strategi penyelesaian bagi menangani isu berkaitan permasalahan sosial.